

AUGLÝSING

um staðfestingu forseta Íslands á breytingu á reglugerð fyrir Háskóla Íslands nr. 76 frá 17. júní 1958, með áorðnum breytingum.

Forseti Íslands féllst hinn 9. október 1968 á tillögu menntamálaráðherra um að staðfesta eftirfarandi breyting á reglugerð fyrir Háskóla Íslands nr. 76 frá 17. júní 1958, með áorðnum breytingum:

1. gr.

2. töluliður 48. gr. orðist svo:

Kennslugreinar í viðskiptadeild eru þessar:

- | | |
|---|--------------------------------------|
| 1. Þjóðhagfræði í fyrri hluta. | 14. Endurskoðun og verklegar æfingar |
| 2. Þjóðhagfræði í síðara hluta: Almenn. | í bókfærslu og reikningsskilum. |
| 3. Þjóðhagfræði í síðara hluta: Sér-
greind. | 15. Skattskil. |
| 4. Almenn rekstrarfræði. | 16. Tölfræði. |
| 5. Framleiðsla fyrirtækja. | 17. Viðskiptareikningur. |
| 6. Sala. | 18. Enska. |
| 7. Fjármál fyrirtækja. | 19. Stærðfræði. |
| 8. Stjórnun fyrirtækja. | 20. Skrifstofustörf. |
| 9. Sérgreind rekstrarhagfræði. | 21. Hagrannsóknir. |
| 10. Íslensk haglýsing. | 22. Hagræn landafræði. |
| 11. Lögfræði. | 23. Hagsaga. |
| 12. Bókfærsla fyrir stúdenta á 1. náms-
ári. | 24. Saga hagfræðikenninga. |
| 13. Reikningshald. | 25. Fyrirtækið og þjóðfélagið. |
| | 26. Markaðsrannsóknir. |
| | 27. Opinber stjórnsýsla. |

Námsgreinar 21—27 eru kjörgreinar.

Prófessorar viðskiptadeildar ákveða í sameiningu námsefni í hverri einstakri námsgrein. Þeir ákveða og, hvort halda skuli æfingar í einstökum námsgreinum og hvernig þeim æfingum skuli háttað. Við ákvarðanir þessar skulu þeir hafa samráð við kennara í viðkomandi greina.

Stúdent skal leysa af hendi tilskilinn fjölda æfinga í hverri námsgreinum.

Viðskiptadeild ákveður, hvenær tímabært er að hefja kennslu í einstökum kjörgreinum. Eftir að kennsla í kjörgrein er hafin, er viðskiptadeild heimilt að fella niður kennslu í einstök ár, ef ekki fæst, að dómi deildarinnar, næg þátttaka stúdenta, eða ef ekki er, að dómi deildarinnar, kostur hæfra kennslukrafta, en stúdent skal þó heimilt að þreyta próf í viðkomandi námsgrein.

2. gr.

50. gr. orðist svo:

Próf í viðskiptafræðum.

Undirbúningspróf.

Stúdent skal standast próf í sérhverju eftirtalinna undirbúningsprófa:

1. Bókfærsla fyrir stúdenta á 1. námsári, skriflegt próf.
2. Skrifstofustörfum, verklegt og skriflegt próf.
3. Stærðfræði, skriflegt próf.
4. Ensku I, skriflegt og munnlegt próf.

Einkunnir í ofantöldum greinum hafa ekki gildi í aðaleinkunn. Til þess að standast próf í bókfærslu þarf stúdent að hljóta að minnsta kosti lægstu 1. einkunn.

Samtímis innritun til undirbúningsprófs er stúdent heimilt að skrá sig til prófs í prófgreinum fyrra hluta prófs með þeim undantekningum, sem greindar eru að neðan.

Fyrri hluta próf.

Prófgreinar í fyrri hluta eru þessar:

- | | |
|-----------------------------|-----------------------|
| 1. Almenn rekstrarhagfræði. | 5. Reikningshald. |
| 2. Þjóðhagfræði. | 6. Enska II. |
| 3. Viðskiptareikningur. | 7. Lögfræði. |
| 4. Tölfræði. | 8. Íslensk haglýsing. |

Próf í ensku II skal vera skriflegt og munnlegt. Um próf í öðrum greinum er meginreglan sú, að þau skulu vera skrifleg, og ákveður viðskiptadeild, hvort frá þeirri reglu skuli vikið um einstaka prófgrein.

Prófgreinum fyrri hluta er skipað í þrjá flokka: A, B, og C.

Flokkur A.

Flokkur A tekur til prófgreina 1 og 2. Stúdent skal þreyta próf í þeim í lok yfirferðar eða samtímis því, sem hann þreytir próf í greinum prófflokks C. Stúdent skal hljóta einkunnina 7 í hvorri einstakri þessara prófgreina.

Flokkur B.

Flokkur B tekur til allt að þriggja ofanefndra prófgreina 3 til 8. Stúdent er heimilt að þreyta próf í sérhverri þeirra greina, án þess að hafa sagt sig til prófs samtímis í öllum öðrum greinum 3 til 8. Séu þau próf haldin í lok yfirferðar yfir viðkomandi námsgreinar. Stúdent skal þá hafa lokið prófi í ensku I, áður en hann skráir sig til prófs í ensku II, og prófi í bókfærslu áður en hann skráir sig til prófs í reikningshaldi.

Flokkur C.

Prófgreinar í fyrri hluta C eru þær ofantalinnna greina 3 til 8, sem stúdent hefur ekki tekið próf í áður. Próf í þessum greinum skulu tekin samtímis.

Prófflokkar B og C mynda í sameiningu einn prófhluta í merkingu 2. málsg. 68. gr. háskóla­reglugerðar.

Einkunn í prófgrein 3 hefur gildið $\frac{1}{2}$ í aðaleinkunn, einkunnir í öðrum prófgreinum hafa gildið 1.

Ekki má líða lengri tími en 6 kennslumisseri frá innritun, þar til lokið er fyrri hluta prófi. Ef út af bregður, fer stúdent af skrá, og undirbúningspróf falla úr gildi.

Síðara hluta próf.

Prófgreinar í síðara hluta eru þessar:

- | | |
|--------------------------------|---|
| 1. Framleiðsla fyrirtækja. | 6. Almenn þjóðhagfræði. |
| 2. Sala. | 7. Sérgreind þjóðhagfræði. |
| 3. Fjármál fyrirtækja. | 8. Endurskoðun og verklegar æfingar í bókfærslu og reikningsskilum. |
| 4. Stjórnun fyrirtækja. | 9. Skattskil. |
| 5. Sérgreind rekstrarhagfræði. | |

- | | |
|--------------------------------|--|
| 10. Hagrannsóknir I. | 16. Markaðsrannsóknir. |
| 11. Hagrannsóknir II. | 17. Opinber stjórnsýsla. |
| 12. Hagræn landafræði. | 18. Ritgerð um efní, sem stúdent velur í samráði við prófessor í deildinni á fyrsta misseri, eftir að hann lauk fyrra hluta prófi. |
| 13. Hagsaga. | |
| 14. Saga hagfræðikenninga. | |
| 15. Fyrirtækið og þjóðfélagið. | |

Um próf er meginreglan sú, að þau skulu vera skrifleg, og ákveður viðskiptadeild, hvort frá þeirri reglu skuli vikið um einstaka prófgrein.

Stúdent skal taka próf í svo mörgum kjörgreinum, að heildar gildi einkunna í þeim sé $2\frac{1}{2}$. Einkunnir í 6. og 7. prófgrein hafa gildið 2 í aðaleinkunn. Prófgreinar 10—16 hafa gildið $\frac{1}{2}$. Einkunnir í öðrum prófgreinum hafa gildið 1.

Stúdent er heimilt að þreyta próf í einstökum prófgreinum í lok yfirferðar. Hafi hann ekki neytt þess réttar að því er varðar einhverja grein, skal hann þreyta próf í greininni samtímis því, sem hann gengur undir síðustu próf í þessum prófhluta.

Allar prófgreinar síðara hluta mynda í sameiningu einn prófhluta í merkingu 68. gr. 2. málsgreinar háskólaireglugerðar.

Áður en stúdent segir sig til síðara hluta prófs, skal hann afhenda prófritgerð sína vélritaða og leggja fram skilríki um, að hann hafi tekið þátt í eftirfarandi æfingum:

1. Rekstrarhagfræði: Stúdent hafi haldið eitt erindi og afhent kennara það vélritað. Enn fremur hafi stúdent metið tvö erindi í sömu grein flutt af öðrum stúdentum, ef kennari hefur óskað þess.
2. Þjóðhagfræði: Sömu kröfur og um rekstrarhagfræði.

Ekki má liða lengri tími en 6 kennslumisseri frá því, er stúdent lýkur fyrra hluta prófi, þar til hann lýkur síðara hluta prófi. Ef út af bregður, — fellur flokkur B og C fyrra hluta prófs úr gildi, en undirbúningspróf og flokkur A fyrra hluta prófs halda þó gildi sínu í 2 misseri.

Viðskiptadeild getur veitt undanþágu frá ákvæðum þessarar greinar um tímatáknörk við próf, ef stúdent hefur verið veikur, eða öðrum vitaleysisástæðum er til að dreifa.

Stúdentar, sem skráðir hafa verið til náms eftir 31. ágúst 1964, skulu hlíta hinum breyttu ákvæðum, eftir því sem við getur átt, enda óski stúdent, sem lauk fyrra hluta prófi fyrir vor 1968 ekki eftir að verða prófaður samkvæmt eldri tilhögun.

Kandidatspróf samkv. þeirri tilhögun, er ein gilti til 1. september 1964, verður haldið í síðasta skipti vorið 1969.

3. gr.

Reglugerðarbreyting þessi öðlast þegar gildi.

Í menntamálaráðuneytinu, 24. október 1968.

Gylfi Þ. Gíslason.

Birgir Thorlacius.